

四庫全書

史部

欽定四庫全書

史部

殊批諭旨卷二百七
中

詳校官尚書臣德保

編修臣裴勳覆勘

總校官中書臣朱鈐

校對官監丞臣張曾炳

謄錄監生臣解中發

欽定四庫全書

硃批諭旨卷二百七中

硃批史貽直奏摺

雍正八年二月初三日署理福建總督印務吏部

左侍郎臣史貽直謹

奏為據實奏明仰祈

睿鑒事本年正月二十一日准福建觀風整俗使臣劉

師恕咨開漳州府知府楊一正於雍正七年十二

月二十九日到任在籍紳衿俱各迎賀楊一正於
八年正月內大放花燈演戲開筵十六日延請本
城紳衿飲酒觀燈城內居民亦令入署遊玩所當
特疏糾叅等因具稿會叅前來臣以楊一正歷任
福清候官俱各勤慎稱職今陞授漳州知府莅任
甫十餘日竝無劣蹟若因此等小節遽行叅劾致
令賢員廢棄似覺過於苛刻臣仰體
皇上愛惜人才之至意不敢附和會叅伏乞

聖明睿鑒倘該員此後復不自檢別有過犯臣自當執法糾叅斷不敢稍為寬貸所有臣不會同觀風整俗使臣劉師恕叅劾知府楊一正緣由理合據實奏

聞謹

奏

所見殊屬可嘉之至劉師恕題叅到日自另有諭旨此事汝即不奏朕亦斷不允行也

同日又

奏為奏

聞事上年十二月十四日臣准到浙江督臣李衛密咨
內開照得浙省現獲不法棍徒陸劍門訊據該犯
供稱有一箇叫高晴係福建福州府濱海居民能
說幾省的話常於洋內往來誘人入夥等供據此
查陸劍門陰蓄姦謀往來各省煽惑為匪當即敗
露就獲所有供出之犯合亟密咨訪拏質審等因

移咨到

臣臣

隨即飛飭福州府屬沿海各員密差

幹捕嚴行躡緝已將高晴一犯緝獲到案逐細詰問據供本名高情向充船匠今在海壇鎮標食糧改名高泉從前在江南浙江沿海等處修造洋船與洋船上人相熟等語臣查高情即係高晴姓名既屬相同又常在洋面來往似與浙省密咨緝拏之犯相符已於本年正月二十日專差標弁押解赴浙質審訖所有臣緝獲高晴到案解赴浙省緣

由理合繕摺奏

聞謹

奏

差委得人方能有緝必獲甚屬可嘉

雍正八年二月十六日署理福建總督印務吏部

左侍郎

臣史貽直謹

奏為奏

聞事本年正月十四日准廣東提臣王紹緒咨開據恩

平縣詳報在於土瓜蒴地方拏獲姦匪李時英等
搜出令旗偽劄等項并供出謀為不軌之夥黨多
人恐逃匿隣境移咨一體緝拏前來臣接閱咨文
後隨即星夜移咨巡撫并水陸提臣檄行各鎮協
營及司道府州縣嚴密加謹防範如有匪犯逃入
境內務令上緊查拏勿令免脫通飭去後嗣於正
月二十三日接准廣東督臣郝玉麟咨文又於二
月初六日接准廣東撫臣傅泰密札均稱陸續獲

到姦徒四十餘人現經飭審究擬今餘黨已散地方安堵惟據獲犯供開夥黨有福建人氏傳聞福建亦有姦匪分散偽劄祈檄飭所屬密行查訪堵禦等因各先後到臣復密飭所屬文武各員在於各該地方并關津隘口遍加密查一有匪犯分散偽劄等事即刻嚴拏解報不得疎縱臣復細加察訪知閩省地方各處兵民安居樂業竝無此等姦匪潛匿境內分散偽劄之事入春以來民間俱

各耕鑿謀生地方寧靜實可無庸上厯

聖懷所有閩省現在查無匪犯緣由理合繕摺奏

聞謹

奏

粵東一案乃係無賴棍徒假捏虛聲誑騙鄉愚謀為不軌之事毫無影響正犯李梅雖尚未獲姦匪情狀已盡悉無隱矣

雍正八年五月初六日暫行署理兩江總督印務

吏部左侍郎臣史貽直謹

奏為微臣受

恩逾分悚懼難安瀝陳下悃仰懇

聖慈垂鑒事竊臣在閩省欽奉

恩綸蒙

皇上念臣水土不服上厯

聖懷又以暑熱難行

特許越例於交界地方與督臣高其倬面交印務此雖

父母之愛其子亦不能若是之委曲周詳臣感激而悲涕零如雨正在星馳赴

闕行至杭州途次又奉暫署兩江總督印務之

旨臣望

闕謝

恩之餘不覺驚懼汗流手足無措夫以臣之材力不足勝兩江鉅任又本籍例應迴避之處皆在

聖明洞照之中而

恩命忽加者

聖主或鑒臣感

恩念切必不敢以鄉曲之地有所營私即才質庸下亦可暫時鞭策以勉一日之力然而臣心實有滋懼者在臣之身家尚輕而

皇上之封疆為至重也念臣世居江左宗族姻親所在皆有雖其中賢愚不等而臣今日受

恩深重惟知上有

君父此外不知有人并且不知有己一切事情止憑

國法稍有干犯必不容情而姦徒不遂其欲或借名
挾制或無影生端揣摩於莫須有之中污蔑以不
能白之謗又或嫉惡過嚴怨毒為甚假手報復莫
可防閑臣任勞任怨勢所必有然此僅關於臣之
身家臣亦有所不顧惟是兩江之幅員甚廣事務
殷繁甲於他省此即精明強幹之人尚恐難以勝
任矧臣秉賦薄弱精神短少即使竭盡耳目心思

斷難膺此繁劇艱鉅之責一有舛錯貽誤不淺為
此披瀝肝膈上懇於

聖明之前伏乞

皇上俯念字字出於衷誠竝無一毫支飾

恩賜垂鑒速

簡賢能大臣膺此重寄俾臣早得還

朝仍任部務則

皇上始終矜全之大德臣益當矢報於生生世世矣除

另疏恭謝

天恩外為此繕摺瀝陳下悃仰祈

聖恩慈鑒謹

奏

不待覽奏方悉卿之誠悃朕早已體知卿之難於此任也因一時不得其人故暫命署理今將高其倬調任兩江亦有所不得已而然朕命伊乘驛來京陛見後再赴新任大約冬初可抵江寧雖止此數月間暫行署理亦

不可不加意振作致令政務稍有廢弛若以辦理精神而論卿之才力綽然有餘也勉之凡百就近與李衛密商而行有益

雍正八年六月初四日暫行署理兩江總督印務吏部左侍郎_臣史貽直謹

奏_臣荷蒙

恩命暫署兩江總督印務自受事以來日夜悚惶惟懼不克勝任有負

聖主簡畀之至意茲於四月二十日接准部咨內開奉
上諭高其倬著調補兩江總督乘驛來京陛見再赴新
任其兩江總督印務仍著史貽直暫行署理欽此

聞

命之下感激涕零

臣

何人斯仰蒙

聖恩曲賜矜全一至於此

臣

自此得以入覲

天顏時聆

聖訓獲遂葵藿之願少伸依戀之忱欣幸之私鏤之心

如此骨但臣受恩深重在地
方一日不能領會朕意之人可比勉之不敢不竭一

江南諸日之力竊查兩江地連三省幅員廣濶案牘之繁
甲於他省而人命盜等件詳報累繁目覽手批日不
顏敵亦天下人所共知者當竭力振興之能整理一分
即有一暇給營伍之務多有廢弛況一地墩臺尤為疎懈
為之赴常州會審時已與江蘇撫臣尹繼善詳細相商

查有無礙公項可以動支修理除另摺奏

聞外其地方吏治臣留心細訪大約貪墨不肖苟且營

私者既在

聖主照臨之下久已革面洗心但其間不過兢兢自守
循分供職之員求其公爾忘私實心實力不顧利

所論是極吏治未純總緣統率不得其人故耳
鈍與
國家出力辦事者殊不可多得臣竊惟地方重務實

賴督撫兩司統率於前道府等官承宣於下無論
尊卑大小皆當視

國事如家事合衆心為一心然後政成事理不負我

皇上委任之至意臣稔知高其倬久任督撫封疆之事其所熟練且秉心純正清慎老成實係誠心為

國之臣今兩江諸務闡茸非數年整頓不能改觀以

高其倬之歷練封疆蒙

皇上之訓誨策勵將來措施必能悉心辦理斷不至有因有要事委辦調任亦出於不得已也

負

皇上之委託也又如江蘇撫臣尹繼善莅任以來臨事

精明識見敏捷臣屢過吳門見其辦事勤敏伊向

臣言一切張弛俱奉

皇上教誨敬謹遵循不敢怠惰看來尹繼善雖係少年

實係

少年敏練滿臣中不可多得之才而膺力方剛精神踴躍凡事盡心不肯推諉不留

餘力有老成所不及者布政司高斌老成謹飭辦

事盡心頗有條理但其局量拘謹識見不能高遠

總之一小字不能脫却

署按察司喬世臣向為臣部司官素知其為人端

謹醇樸今甫署臬司不改前轍蘇松糧道馮景夏

為人誠實而於錢糧事務尤為明晰精詳實他人

所不能及據

臣

愚見如馮景夏之才實係

將

誠如卿

言

好藩司至如蘇松巡道王澄慧江常鎮道王之琦

中平人也

王

巧才

具

悉皆老成持重然無綜理之才而驛鹽道張暲

樞用其老練耳如精力甚不及當諭令引退若猶

潔己有餘辦事拙鈍且年力衰退均非優於其職

可勉

強支持不致貽誤則已

包

括

者知府中則常州府包括揚州府陳宏謀最為賢

能稱職之員他如江寧府李如蘭辦理諸事亦甚

過不慮不及也

勇往向前然未免近於粗率鎮江府毛德琦人亦

老練然非肆應之才蘇州府童華才具雖優但自

當再

到蘇以來微有沽名之念意在地方稱好恐其一

四訓誠之

驚聲譽則不能端心辦事而職業致有疎漏矣至

淮安府

臣

尚未到松江府乃係署員其各屬州縣

多未親見惟金匱縣知縣王喬林年富力強有才

遇直

有守江陰縣知縣魏化麟老成幹練恪守廉隅此

二員

足稱矯然出眾之才其餘未及深知不敢冒

補可也

昧陳

奏上江則民俗少醇事務亦簡案牘不及下江之半

魏廷

巡撫臣魏廷珍操守狷介辦理盡心封疆之事亦頗諳練但潔己之節有餘展布之才不足新任署

劉枬

中材耳因不得人暫命署理布政司劉枬臣奉

差過杭時僅止一面不能深悉其為人且尚未到任署

乃不堪小人已有旨革職矣

安徽臬司魯國華識見卑淺辦事平庸止可暫署

恐不稱臬司之職其他道府以下臣實未周知又

江西一省程途寫遠臣正在留心訪察然苟非深

知灼見何敢妄

奏臣到任未久就臣所見不敢容隱謹繕摺恭呈

御覽餘俟臣察核確實再行陳

奏為此繕摺謹

奏

詳覽所奏俱屬公當

同日又

奏為整葺營汛以資防禦事竊照設兵原以衛民故
於水陸隘口及衝要之區各建汛地每汛撥兵五

名常川防守蓋造營房以為棲止築立墩臺以資瞭望今查江南地方營房卑隘墩臺圯毀且有倒塌無存就寺廟以棲身者防禦廢弛莫此為甚臣

蒙

皇上恩命暫署兩江督篆莅任以來案牘紛紜現在次第辦理而盜竊案件詳報累累雖疎於防範文武均有處分而汛守巡查消弭不可無法則修理營房墩臺責令汛兵巡緝實為弭盜之急務也但向

來修理皆責成州縣邇來州縣已定養廉竝無餘
資可以捐助苟且因循勢所不免臣於五月內赴
常州會審與蘇州撫臣尹繼善當面商酌共圖整
理以期一勞永逸聞下江等府有無礙公項可以
動給隨令司府等確查明白據實開報以便按照
水陸汎地估計修造俾沿途營房墩臺煥然一新
汎兵棲身得所責其殫力巡查復委營員往來察
其勤惰以定賞罰如此則壁壘堅而軍威壯宵小

於以潛蹤矣但臣係初到未能確指何項可以動支除俟司府查明及估計工料到日另行會

題其上江各屬營汛現在檄行司府確查有無公項可以動支修理俟查覆到日再行具

奏外理合繕摺

奏明謹

奏

整葺營汛之請甚是凡地方應行事宜毋因暫署而延

緩推卸高其倬赴任為期尚早

雍正八年九月二十日都察院左都御史仍暫署
兩江總督印務臣史貽直謹

奏恭請

皇上萬安

朕安朕躬已全愈安和如舊矣諭汝知之

同日又

奏請分首府之屬縣改隸別郡以均繁簡事臣籍

隸溧陽縣地居大江之南僻處東偏向隸江寧府屬建置已久臣何敢冒昧陳請以滋更張但臣生長於斯素知江寧府之管轄溧陽在府有鞭長不及之虞在縣有公務遲誤之咎今蒙

皇上殊恩畀署江南總督印務臣不敢因溧陽係臣祖居本籍輒為避嫌不言請為

皇上敬陳之伏查江寧一府所轄八縣而上元江寧句容江浦六合等五縣地當衝要庶務殷繁守斯郡

者即才具優長已慮汲深綆短况尚有溧陽溧水
高淳三縣錢穀刑名一切事件悉資料理勢難兼
顧此江寧府之不宜多轄屬縣也再查溧陽縣距
府二百七十里由縣至上興埠水路小河沙淺舟
楫難行由上興埠陸路經溧水縣山路更屬崎嶇
且非驛遞通衢是以公文上下與夫解糧解犯等
事俱係繞道而行素稱不便一有緊急公務每至
呼應不靈此溧陽之不宜隸於江寧府也臣又查

該縣誌書漢時原係鎮江府舊屬今鎮江一府止轄丹徒丹陽金壇三縣不若江寧八縣之多況溧陽至鎮江府城路程較之江寧更近四十里且係內河水路一舟可達遞送公文押解糧犯深屬便易又不若江寧之水陸間隔也臣請將溧陽縣改隸鎮江府則江寧無鞭長不及之虞溧陽免公務遲誤之咎矣是否可行臣未敢擅便伏乞

聖恩批示容臣另疏具

題抑或即將臣摺

敕部議覆恭候

皇上睿鑒施行謹

奏

交該部議奏矣

同日又

奏為請定沿江汛兵替換之期以杜賄縱事竊查兵丁巡哨本有替換之例如出洋巡哨官兵則係四

箇月一換貼防松江等處海汛官兵則係六箇月
一換往來更替立法盡善惟沿江塘汛兵丁從未
據各屬具報換班之期其以一兵久防此汛可知
在汛既久似宜熟知江面情形與夫盜賊出沒之
處鹽徒窩頓之區發縱指示旦夕可得矣乃臣訪
聞塘汛之兵慣通匪類以捕盜為名受其賄不惟
縱盜而更且為盜以詰私為事艷其利則不但縱
私而更且販私其故皆由於久在汛地從無替換

上司之查察置若罔聞匪類之行蹤往來甚密所以失事之案甚多弋獲之犯無幾臣再四思維惟有定限輪班不使之久於此地則彼初到汎地未能輒與盜通及至稍稍通熟又已將及班期是兵尚無暇致其賄盜亦未肯以重賄而買此將去之兵也臣請嗣後定以六箇月一班每汎照應撥馬步名數遴選精壯之兵輪流替換該管將備將換過之處開具塘汎地名兵丁花名冊報督撫提鎮

查考其間倘有違犯即將該管將備

題叅議處似此定限輪班不但可杜賄縱之弊而退
汎歸伍之兵亦得隨操考驗於營伍不無裨益是
否可行伏乞

皇上批示遵行謹

奏

候交高其倬再加酌議具奏有旨

雍正八年十月二十二日都察院左都御史仍暫

署兩江總督印務臣史貽直謹

奏為被水人民賑恤得所仰慰

聖懷事竊查上江夏間秋禾被水除涇縣等二十一州縣鳳陽等二衛勘不成災外惟有宣城旌德銅陵懷遠建平五縣被災六七八九十分不等蒙

皇上天恩特諭臣等動支帑銀確查賑濟臣遵即會同安慶撫臣程元章按照被災分數酌量發銀委員往賑矣又奉

恩旨有應免錢糧之處即著曉諭停徵將應免數目確查奏聞又奉

恩旨被水州縣之漕糧按成災分數蠲免又准部咨動用存倉捐積米石煮賑三月臣又與撫臣會商令成災與不成災各州縣衛將存倉米穀一體減價平糶茲據各屬稟稱災民俱各安居復業歡聲雷動感頌

皇仁現在市集米糧充積米價不昂民無艱食再查下

江被水之邳州等十八州縣淮安大河二衛內惟
邳州宿遷桃源清河海州沭陽睢寧七州縣被水
為甚臣與蘇州撫臣尹繼善一據各屬報到即便
委員分頭確查水中堤上露處窮民先行開倉賑
恤其離城遙遠運米不及者臣等各捐養廉銀先
行賑給以濟燃眉隨即欽奉

恩旨著清查錢糧侍郎馬爾泰等動支藩庫銀數萬兩
速行賑濟今年額徵錢糧悉行蠲免已經完納者

准作明年額徵之數又奉

恩旨大口每月給米一斗五升小口減半兩月之外加增一箇月又奉

恩旨允臣所請將鹽義倉米穀撥運減價平糶如有倉穀不敷之處即動撥賑濟又奉

恩旨漕糧按成災分數蠲免臣又准撫臣咨會三路合算計共大小災民五十一萬三千餘口已於司庫動撥銀一十八萬兩解赴河道庫交收聽散賑大

員就近撥領濟用又除倉糧足資備賑州縣外宿
遷縣撥米八千石徐州邳州各撥米六千石沭陽
沛縣各撥米五千石海州寶應各撥米四千石桃
源豐縣各撥米三千石山陽碭山各撥米二千石
俱赴鹽義倉領運備賑高郵州撥米一萬石邳州
撥米八千石宿遷沭陽海州徐州寶應桃源山陽
清河各撥米五千石安東興化豐縣沛縣蕭縣碭
山各撥米三千石鹽城撥米二千石俱赴鹽義倉

領運減價平糶又據各州縣詳請將捐貯社倉穀石借給貧民又河工海塘等處大興修築少壯窮民皆得赴工力役餬口其房屋倒塌之處又經給價安頓是以今歲淮揚等處被水特甚而災民尚不至流離失所俱得安堵寧家上下兩江先經被水現在涸出之地俱已布種二麥以待春收再查兩淮鹽場本年六月二十一二等日海潮漲漫被淹經臣會同鹽臣發倉賑濟減價平糶現在會疏

具

題亦俱安居復業煎鹽辦課如故合并繕摺奏

聞仰祈

睿鑒謹

奏

覽奏朕心為之少慰

同日又

奏為奏報江西全省秋收豐稔仰祈

睿鑒事竊查江西一省隔屬遙遠臣雖時加察訪備悉
今歲夏秋以來雨暘時若年穀順成然未敢冒昧
具

奏臣飛行確查茲據江西布政司詳報秋收分數到
臣并稱全省地方無分高下晚禾成熟近又連日
晴霽皆已收穫登場童叟歡呼載道婦子共樂盈
寧臣覆加查核無異理合繕摺奏

聞謹

奏

據奏江西全省豐收朕欣悅覽焉

雍正八年十一月十五日都察院左都御史仍暫

署兩江總督印務臣史貽直謹

奏為奏

聞事竊照上下兩江被水各州縣蒙

皇上天恩發帑賑濟貧民得所經臣繕摺具

奏今查下江邳州等十八州縣被水人民及衛屬軍

戶於八月十三日賑起至十月二十六日兩次共賑過大小口五十七萬三千七百七十二名共賑過銀一十七萬八千九百七十九兩四分再房屋被水衝倒者共八千一百九十四戶每戶酌給修葺銀四錢共給銀三千二百七十七兩六錢已經賑竣兩月至奉

旨加賑一月口糧業經侍郎臣馬爾泰等奏明在於冬末春初再行給發被賑之男婦老幼莫不歡呼載

道安居樂業如常市集米價亦平麥苗現已長發

雨暘時若理合再行奏

覽奏
臣

深慰
厯念

又訪得淮揚一帶地方民間廣開燒鍋將各項糧

食蒸酒發賣以致耗費米糧未免貧民艱食臣飭

令將燒鍋暫行停止俟來歲豐收之後再許開燒
是

庶幾糧食益見充盈於民間大有裨益再者江省
今歲因夏間雨水過多濕熱薰蒸倍於往時臣需
染潮濕現在遍生瘡疥肢體腫脹雖於辦事無妨

但痛癢交加行走拜跪頗覺艱苦臣受

恩深重即小疾微疴亦當瀆奏於

君父之前理合一并奏

聞謹

奏

俗云疥癬之疾何足介意內有所積濕熱因此盡可發出目下雖覺轉動不便却於身體有益也

同日又

奏為奏

聞事雍正八年十一月十二日據江寧縣稟稱本月初十日有李國輔投帖要會當即接見帽戴藍頂據稱北直永平府盧龍縣人癸巳科進士雍正七年十一月奉

旨引

見共有五十七名揀用二十四名山東發往八名山西發往八名浙江發往八名我係發往浙江試用上

元縣縣丞李恩係我同宗故來拜候五月內到江

寧奉

旨密查典鋪利息輕重今查江寧典鋪利息甚輕我欲
具摺回奏等語具稟到臣思李國輔既係癸巳
科進士奉

旨引

見命往浙江試用自應給有部照定有限期豈得遠道
逗留竟至一年之久尚不赴浙即據稱奉

旨密查江寧典鋪利息輕重此事亦屬易查何庸自五
月留住至今半年方得查訪明白且又公然拜往
該管之地方官將奉

旨密查之事向人洩漏迹其行事大類招搖詐騙之徒
除一面行文江寧按察司將李國輔暫行拘留并
密咨浙江督臣李衛查明有無奉到李國輔等

命往浙江試用之

旨逐一究訊外為此繕摺奏

聞請

旨伏乞

皇上睿鑒批示遵行謹

奏

便實係命往試用人員亦豈有諭令密察典舖之理乎
明屬詐騙復有何疑

雍正八年十二月二十八日都察院左都御史臣

史貽直謹

奏為恭謝

天恩并陳下悃仰祈

睿鑒事本年十二月二十六日督臣高其倬抵江寧臣

出郊跪請

聖安督臣高其倬口傳

諭旨爾到江寧傳旨與史貽直令其回家度歲過新正
初五以後起身進京欽此臣跪聆之餘感戴

天恩淪肌浹髓何敢不踴躍祇遵惟是臣於雍正六年

十一月間奉

差出都迄今已逾兩載違侍

禁廷從無如是之久依戀之切無時不縈繫於心茲
督臣高其倬已抵江寧臣惟願早覲

天顏以遂瞻依下悃若回至溧陽往返輒須數日家鄉
再一擔擱必致遷延時日臣在外多住一日京師
即遲到一日犬馬戀

主之念實難一刻自安現在將總督印務移送督臣高

其倬并將地方事務逐一交代明白臣即於十二月二十九日自江寧起程赴

闕恭請

聖安所有臣不回深陽度歲情由合先繕摺奏聞為此恭謝

天恩謹

奏

自當遵旨而行何必如此忽遽爾不是矣

雍正九年六月二十四日都察院左都御史臣史

貽直謹

奏為恭報秦民感戴情形仰慰

聖懷事竊臣面奉

諭旨命臣辦理西安鳳翔二府宣諭化導之事於六月初二日到西安省城即將欽奉

上諭遍貼城鄉市鎮先於省會之地分設三處謹擇於六月十二日宣講起至十八日四城宣講已畢每

處宣講地方俱恭設

龍亭香案傳集紳衿耆庶將欽奉

上諭臣親捧講解復令各員分頭宣講詳悉開導一時
聽講士民感

聖朝疊沛之恩施荷

聖主曲成之教誨且共悉

皇上萬不得已而用兵之

聖心俱各望

闕嵩呼叩謝

天恩萬口如一宣講之時士民恭聆之下甚有感激涕
零者臣細察情形實出至誠竝非假飾至於辦理
軍需之處臣暗加體察知百姓俱循分急公現今
運糧已竣民情帖然毫無怨語間有數處奉行不
善之州縣已於臣另摺內

奏明除西安府屬各縣分遣各員前赴宣諭化導臣
仍不時稽察務令遠鄉僻壤家喻戶曉俟府屬事

竣容臣次第奏

聞外總之臣子入

告期於一字不欺民情未極歡欣鼓舞而故為粉飾其
詞固蹈欺罔之罪若民情實在感

恩戴

德而不以

上達亦非臣子事

君之誠臣目覩西民杼枕感化萬口同聲理合將西安

省城宣諭化導過情形據實繕摺奏

聞謹

奏

據奏陝省民情深慰朕念諒卿不忍將如是關係之事欺瞞於朕也但恐耳聞目見之所不及情形或有異同此處尤當加意體察

同日又

奏為奏

聞事竊臣欽奉

諭旨命臣將辦理軍需各項悉心察訪臣入陝西境內
即一路明查暗訪及到省後又復細加查察見撫
臣武格與

欽命協辦軍需之工部侍郎臣馬爾泰料理俱屬妥協
本年西鳳二府及同華乾耀四州各屬共運米十
五萬石目下俱運送完訖現今正在解送馬匹民
情俱各帖然內惟西安府屬之高陵縣因署縣事

水利通判高豫採買餵養軍需馬匹草料辱罵百姓又因運米之際百姓欲用牛車輓運而高豫必欲聚用騾車以致民人赴縣喊嚷旋經西安府知府前往曉諭而散今撫臣武格業將高豫撤回另委別員署理又有整屋縣朱文炳亦於運米之時該縣百姓欲用車輛輓運朱文炳以車運稍遲欲用騾頭馱運致與民情不合百姓欲赴省控告該縣朱文炳尚係曉事之員隨即聽從民便現今米

已運完竝無遲誤又有乾州知州張于渡因餽養
軍需馬匹不另搭棚廠將馬匹分發城外各店鋪
餽養月給房租以致各店鋪俱稱不便亦經撫臣
武格將張于渡撤回委別員前往署理以上三處
俱因地方官料理未妥以致民情稍不相安但臣
細加察訪尚無扣剋科派情弊撫臣將各員撤回
亦屬允當

臣思

國家辦理軍需雖不取辦於民財實不能不借資於

民力如果地方官扣剋派累自當即行嚴叅若平日居官尚屬奉公守法祇以識見拘泥未能因地制宜似應斟酌事之輕重量為完結蓋民隱固宜體恤而刁風亦漸不可長臣愚昧之見是否有當仰祈

皇上睿鑒謹

奏

所見甚是與該撫等和衷協力酌量為之然以目下情

勢論之體恤民隱與恐長刁風二者當以體民為要務懲刁為次舉至於其間輕重緩急通權達變又在卿等因時制宜而措施之也

同日又

奏為奏

聞事竊臣查陝西省屬州縣今歲麥秋十分豐收民間俱家給戶足惟入夏以來雨澤愆期六月初旬後望雨甚迫茲於六月十四日省城得雨數寸四野

霑潤續據西鳳二府屬各縣邠乾耀華同鄜六州
所屬各縣報稱均於是日得雨二三寸以至六七
寸不等秋禾已種者得以發生未播者得以栽種
將來可望豐收為此繕摺奏

聞謹

奏

朕正在憂念覽奏曷勝額慶

雍正九年八月初七日都察院左都御史

臣史貽

直謹

奏為據實覆奏事本年七月初九日接大學士公馬

爾賽等寄

臣

字札一封內係轉傳

上諭因甘省所屬民情經撫

臣

許容陳奏蒙

皇上命

臣

知會侍郎

臣

杭奕祿署內務府總管

臣

鄭禪

寶悉心體察就近酌量據實辦理

臣欽遵

諭旨隨即知會去後伏念

臣

自入陝省以來雖遵

旨專辦西安鳳翔兩府

臣

於甘省所屬事宜無刻不留

心察訪知甘省民情向來樸直自逆夷肆蠢以來
無不切齒痛恨咸思仰仗

天威滅此朝食是以西鳳百姓輓運軍需經過彼地俱
簞食壺漿歡迎道左該省本年應運料豆亦各爭
先輸納踴躍急公據臣所聞竝現在復加體察實
與撫臣許容所

奏無異臣查甘省人民既素篤尊

君親上之義又毫無怨懟之情且共喻

皇師勦寇安邊伊等即可永受其福是以抒忱向化實
出至誠臣就近酌量允宜欽遵

諭旨專心辦理西安各屬即帶往各員亦應多派於西
鳳地方

聖訓指示實屬至明至當但西安一府臣率領多員辦
理已畢業經家喻戶曉目擊輿情感激愛戴更有
甚於甘省者其西安省屬之榆林延安兩府亦經
杭奕祿鄭禪寶先後辦完目今僅餘鳳翔漢中兩

府及直隸州數州尚未辦理將來自應多派人員在於此數府州及各所屬之內廣為宣諭化導茲臣於七月十八日又接准部文奉

旨命侍郎杭奕祿協辦軍需其宣諭化導之事著交臣

與鄭禪寶分辦臣今分得寧夏慶陽平涼三府鄭

禪寶分得甘州涼州兩府及肅州一州臣不日率

領多員前赴鳳翔府宣諭化導容辦理事竣之後

臣再前往寧夏等府悉心化導理合繕摺奏

聞謹

奏

覽

今命爾協理陝西巡撫事務矣勉為之

雍正十年二月初三日兵部尚書臣史貽直謹

奏為奏

聞請

旨事竊臣於上年五月間奉

差赴陝蒙

皇上面諭將曾靜案內之張熙

命臣帶往陝西察其情形於宣諭化導事竣之日奏

聞請

旨臣隨將張熙攜帶同行出京之日臣即密遣誠謹家人沿途伴走凡一言一動皆令據實稟知到陝後臣於辦公之暇復不時面加詢問據稱從前因曾靜誤聽流言我又誤聽曾靜之言遂致犯此彌天

大罪仰蒙

皇上如天好生之恩寬宥釋放雖粉身碎骨亦難圖報
我如今想起家有老親實恨曾靜誤我與曾靜師
弟之義已絕等語臣細細體察見其感

恩悔罪實出至誠但觀其言動舉止實係卑污下賤之
輩且身體亦甚薄弱每每醫藥調治時疾時痊今
臣宣諭化導已竣應否於臣復

命之日仍將張熙帶領入京抑或別有安置之處臣謹

繕摺請

旨仰祈

皇上批示遵行謹

奏

張熙准回原籍命其在家候旨毋令遠離鄉土如有用
伊處諭到即便前來爾將此情由具文咨明該撫趙宏
恩知之并将張熙送交該撫轉送本家可也

雍正十年八月十七日兵部尚書協辦陝西巡撫

事務

臣史貽直謹

奏為奏明事竊

臣

上年奉

差陝省旋復協辦撫事因與署撫臣馬爾泰公同辦理一切巡撫任內應

奏事件俱經封入臣馬爾泰原奉

內廷奏匣內一同拜

進今臣馬爾泰遵

旨赴肅其原奉奏匣悉行齎往而臣前次蒙

恩頒賜之奏匣臣於江南回京時已經恭繳所有臣今
次奏摺另用黃夾板固封

進呈理合

奏明謹

奏

奏匣另賜來矣

同日又

奏為甘涼西肅之兵糧折價不敷據實密陳仰祈

睿鑒事竊查雍正十年甘省地丁銀兩及民屯糧草奉
旨悉行蠲免此誠

皇上軫恤民依為從來未有之

曠典伏查甘涼西肅一帶係沿邊重地一提三鎮星
羅碁布所設額兵最多向來兵丁月餉每年八箇
月折給銀兩四箇月支給本色此定例也但此項
本色皆出自額徵今歲徵收來年始有支放若一
經蠲免則無項可支往往於支給本色之月每糧

一石折銀一兩每草一束折銀一分是將四箇月之本色悉改而為折色矣臣查平慶臨鞏寧夏五府秦階二州糧草價值尚平兵丁所得折色猶足敷用惟甘涼西肅等處為軍需總匯之區兵馬往來輓運絡繹糧草昂貴數倍河東此一提三鎮兵丁若將本色悉改折支則本地時價相去甚懸實不敷用臣愚以為甘涼西肅一提三鎮兵丁之癸丑年應得四箇月本色折價一項似應酌量議增

查西寧涼州兩處價值頗昂糧每石一兩外應酌
加四五錢草每束一分外應酌加四五釐甘州肅
州兩處價值更昂糧每石一兩外應酌加六七錢
草每束一分外應酌加六七釐如此量為加給庶
於兵民兩皆得所當此軍興之際需用浩繁臣何
敢不慎重經費但仰體

皇上愛恤兵民至意委曲周詳無微不至臣每委員前
赴甘省訪查米穀豆草備悉甘涼西肅兵丁折價

實屬不敷臣又何敢不據實密

奏是否可行

鴻恩出自

聖主非臣所敢擅便為此謹

奏

甘涼西肅兵糧折價議增之處交辦理軍需大臣會議具奏

雍正十年九月二十五日兵部尚書協辦陝西巡

撫事務臣史貽直謹

奏為覆奏事竊臣等前據潼關縣詳報潼商道張正
瑗家人張魁等出署喧嚷一案臣與署撫臣馬爾
泰一面奏

聞一面即批行布按二司查審去後茲據該司等審詳
前來據稱張魁等指稱伊主張正瑗逼姦僕婦周
氏等各情事俱無實據細加究詰總緣該道平日
為人苛刻馭下過嚴稍不如意即將婢婦嚴加撲

責以致張魁等積怨日深不願跟隨遂一同辭主
出署及至轅門撞遇人役盤問張魁等無知忿激
不顧名分遽爾羣出穢言實屬確情臣查張正瑗
雖審無逼姦情事及張魁所供各款亦屬子虛應
免叅究但身為道員不能約束家人咎實難辭已
飭記大過一次其家人張魁等雖審據各供原係
回明伊主出署然不合捏詞誣主殊干法紀惟是
再四嚴詰實因轅役盤問一時隨口妄供與有心

誣告家主者有間臣業經批飭布按二司將張魁等各枷號一月重責四十板并將一千男婦遞回原籍結案訖所有此案審明緣由相應繕摺奏

聞仰祈

睿鑒謹

奏

據奏審明張魁等所供俱屬子虛知道了

硃批諭旨卷二百七

欽定四庫全書

史部

硃批諭旨卷二百八十七下至

詳校官尚書臣德保

總校官中書臣朱鈐

校對官監丞臣張曾炳

謄錄監生臣解中發

欽定四庫全書

硃批諭旨卷二百七下

硃批史貽直奏摺

雍正十一年五月初十日署理陝西巡撫臣史貽

直臣鄂昌謹

奏為要郡亟需能員仰懇

聖恩俯准陞補以收得人之效事竊照西安一府地當
省會之區兼值軍興之際事務殷繁膺斯任者非

精明強幹之員實難勝任現任西安府知府王紹文近因患病纏綿呈請解任回籍調理業經臣等會疏

題報在案西安係最要之缺未便一日之員臣等查有現任西安府理事同知烏靈阿練達老成實心任事仰懇

聖恩俯准將烏靈阿陞補西安府知府庶要地得人臣等獲收臂指之效如蒙

俞允所遺理事同知員缺聽部另行銓選再查該員引見已滿三年例應送部引

見但陝省辦理軍需正在需員任事請俟大兵凱旋之日補送引

見實為恩便合併聲明除西安府知府印務臣等已先委烏靈阿署理外為此繕摺

奏請仰祈

睿鑒批示遵行謹

奏

好候另有諭旨

雍正十一年六月初六日署理陝西巡撫臣史貽

直臣鄂昌謹

奏為欽奉

上諭事竊臣等承准大學士臣張廷玉寄字內開雍正

十一年五月十二日奉

上諭聞得陝西之三原涇陽咸陽渭南富平等縣燒鍋

各以千計其餘州縣亦皆有之朕思燒鍋既多必將糧食耗費甚屬無益但恐遽令禁止又滋煩擾爾可寄信與署撫史貽直等令其悉心籌畫若禁止不致累民則禁之為便抑或多方勸諭令其醒悟不期禁而自止是惟封疆大臣斟酌行之不可強迫欽此等因到臣等跪讀之下仰見

皇上愛養黎元敦本重農之至意伏查燒鍋一項西北各省所在有之祇因小民圖利往往舍本逐末臣

史貽直自前歲莅任即檄行所屬地方各官不時查禁在案兩年以來各處燒鍋已減去十之七八臣等復思欲杜燒鍋之原當嚴造麴之禁民間每於麥收之後不以積儲為急務而以踏麴為生涯所費之麥不可數計惟嚴禁造麴則燒鍋不禁而自止矣然陝省糧食之耗散不僅由於本省之燒鍋而在於晉商之販回陝省每遇豐收之年則晉省富商預將資本散給於西鳳各屬之農民農民

貪取目前之現價不顧日後之盈虛一至糧食登
場悉聽晉商搬運以致糧石耗費蓋藏空虛臣等
稔知各種情弊現於今歲麥收之時遍行出示剴
切曉諭毋許民間私自造麴更於晉商販運之要
路委員前往稽查不許糧石私販出境現今陝省
糧食可免耗費之虞惟是秦民艱於生理往往借
日用之需以為餬口之計倘本地糧食充裕百姓
藉燒鍋以覓微利亦屬謀生一道若欲概令禁止

則誠如

聖諭不無煩擾臣等仰體

天心惟當因時酌量視年歲之豐歉審民力之盈虛或
出示嚴禁或多方勸諭務使閭閻有儲蓄之需草
野有資生之策庶於

國計民生均有裨益今蒙

諭旨下頒理合據實奏

聞謹

奏

覽奏可謂得因時制宜之意所見甚屬妥協

雍正十一年七月二十七日署理陝西巡撫臣史

貽直謹

奏為奏

聞事竊臣近閱邸鈔伏讀

上諭武弁中熟習水師之人甚為難得該管大臣若不
於平日留心儲養何以收人地相宜之效每見督撫

提鎮中有將熟習水師人員題請調用陸路者此皆未曾周詳籌畫之故著通行傳諭嗣後細加體察若在水師中為平常之員而長於陸路者准其調補陸路若係長於水師之員俱留於水師員缺題補不可以陸路一時需人輕易改調欽此仰見

皇上至聖至明務期海疆重地用得其才之至意伏查水師之職不特熟諳水務者固難其人而能正己率屬者尤不可得蓋水師各缺多係本省之人由

千把歷任陞轉或係行伍出身或由船工拔補大率節取其長不復詳核其品及至身為大員其所轄之弁兵皆其平時熟識之親朋未免瞻顧私情諸事牽制再一立身不正則其間百弊叢生或因賞罰不公或因扣剋虛冒漸致士卒不服號令不行營伍廢弛大率皆由乎此臣於雍正七年蒙

恩命署閩督印務於通省水師人材每留心察訪以備顧問今臣自離閩省已逾四年舊日屬員已多陞遷事

故惟現任閩安協副將張天駿現任督標中軍副將王振此二員者才識優長熟嫻水務每於因公進見時詢以海疆事宜應對詳明歷任水師均能實心任事著有聲名且其籍貫一係浙江一係江南與不得已而用本省之人更為有間以臣之愚觀此二員堪膺水師總兵官之任伏念內外大小臣工其賢否優劣悉在

聖明洞鑒之中臣亦何敢更置一詞因近奉

上諭以熟習水師之人難得令該管大臣留心儲養臣
向年曾任閩疆稔知該員才堪大用是以不揣冒
昧敬舉所知如果臣言可採仰懇

皇上將張天駿王振二員

恩賜記名將來遇有水師鎮臣缺出伏乞再降

諭旨詢問該省督撫臣可否任用出自

聖恩非臣所敢擅便也為此具摺奏

聞仰祈

睿鑒謹

奏

張天駿原記名在上上之列近日以來無因思及幾至遺忘此奏甚愜朕意至於王振乃庸常材具耳且年齒亦輕副將尚恐弗克勝任

雍正十一年十一月初二日署理陝西巡撫臣史貽直臣鄂昌謹

奏為奏

聞事臣等前准部咨行令撥運西鳳邠乾等府州粟米六萬京石并湖廣運到粳米五千京石令陸續運至肅州等因業行西安司道遵照在案今除粟米六萬京石現撥各州縣存倉穀石碾運外惟另撥楚米五千京石一項尚應變通辦理敢為

皇上陳之查今歲楚省運到米石悉係梭子糙米色味原不甚佳又因自楚至陝裝載舢舨船板澆薄米多受潮且自龍駒寨運至省城正值大雨時行復

受潮濕難以久貯在倉止堪就近搭放兵米是以
臣等

奏請在於西安八旗及督撫城守營三標兵丁領餉
時搭配支放業經奉

旨依議欽遵在案至於今次派運之米悉係大營官兵
日用所需必得顆粒圓淨煮食甘美方於軍糈有
益若將楚省之稔米照議撥運竊恐夏間潮濕薰
蒸成色業已稍減又復自陝運至軍營道路迢遙

為時甚久再經風霜雨雪輾轉搬運必致成色更減氣味不佳徒費轉運之勞於官兵未必有益臣等再四籌畫今歲陝省秋成豐稔所收粟穀顆粒分外乾圓色味亦甚甘美似應將原議派撥之楚米五千京石改撥粟米五千京石陸續碾運既與原派米數相符兼於軍營食用有濟較之輓運稜子糙米美惡實相逕庭臣等稔知楚米運至軍營斷不適用故敢據實直陳

奏請改運粟米除一面檄行司道派撥各州縣如數碾運并移咨陝甘督撫兩臣知照外所有將楚米改運粟米緣由理合繕摺奏

聞仰祈

睿鑒為此謹

奏

所見是當之極如此為國家辦理事務始克稱通權達變也嘉悅覽之

同日又

奏為欽奉

上諭事本年十月二十四日奉到

上諭著將此次許容奏撥陝米六萬五千石令史貽直
鄂昌曉諭民人照例給發運價等項乘此農隙之時
陸續運至肅州交卸欽此欽遵等因到臣等當即檄
行司道遵

旨辦理隨復頒發告示宣布

皇恩徧行曉諭陝省民人令其乘此農隙之時陸續輓輸以達於肅庶上以答

聖主之深仁下以紓甘民之勞瘁然陝省之民數年以來雖值軍興而仰戴

天恩之浩蕩其忠義感激之誠決髓淪肌日思報效故凡遇軍需事件俱各奮力向前實與甘省之民同一歡欣鼓舞莫肯後時但臣等前因甘撫臣許容奏請陝民長運接准

廷議令署督臣劉於義及臣等妥議辦理臣等伏查
雍正九年陝省之民長運至肅人夫牲畜十有餘
萬跋涉長途甚為苦累臣等目擊情形以為長運
艱難不若仍為遞運而督臣劉於義所見與臣等
相合遂會稿具

奏在案今欽奉

諭旨仰見

皇上睿慮周詳同仁一視陝甘百姓均屬

朝廷之赤子均受

皇上之鴻恩理應隨時變通權宜協辦其於軍務民生

洵有裨益臣等仰體

天心自應盡心料理斷無貽誤所有臣等欽奉

諭旨現在辦理長運緣由理合具摺奏

聞為此謹

奏

好勉力為之

同日又

奏為彙報秋禾收成數米糧時價仰祈

睿鑒事竊查陝省今歲秋禾收成分數節經西安等府

州縣陸續呈報前來臣等隨專差妥員分路確查

竝行西安布政司覆查去後茲據該司碩色詳稱

西安府屬十四縣鳳翔府屬八州縣邠州一州竝

所屬三縣乾州一州竝所屬二縣同州一州竝所

屬四縣華州一州竝所屬三縣耀州一州竝所屬

二縣秋禾收成俱係十分延安府屬八縣秋禾收成統計八分漢中府屬九州縣秋禾收成統計九分榆林府屬四縣秋禾收成統計八分興安州並所屬六縣秋禾收成統計九分商州並所屬四縣秋禾收成統計九分綏德州並所屬二縣秋禾收成統計八分鄜州並所屬三縣秋禾收成統計八分至現今米糧價值西安省城大米每京斗價銀一錢九分六釐粟米每京斗價銀一錢一釐小麥

每京斗價銀九分一釐大麥每京斗價銀五分六釐豌豆每京斗價銀九分一釐黃豆每京斗價銀一錢五分四釐穀草每束重十斤價銀一分七釐其餘各府州屬所報糧價約畧相同等因到臣等與臣等差查之收成分數糧價俱屬相符理合據實分晰

奏報至收成分數應同督臣公

奏因署督臣劉於義現在駐劄肅州是以臣等一面

奏

聞一面會稿合併聲明伏祈

皇上睿鑒謹

奏

秋禾收成數并米糧時價情形以手加額覽焉此皆
卿等公誠任事有以感召

天和之所致朕深為嘉悅西顧嶺陝再三為秦民慶幸也

雍正十一年十一月十六日署理陝西巡撫臣史

貽直謹

奏為奏

聞事竊

臣

於雍正九年三月奉

差陝西宣諭化導曾將舉人候選知縣姜順龍

奏請帶往陝西辦理公務該員勤慎奉公實心辦事

臣於宣諭化導事竣之日業將該員列入一等同
帶往各員一併咨部在案臣彼時適奉協辦陝西
巡撫之

恩命一時未帶幕賓值此軍興之際公務浩繁需人分
理因該員辦事明白小心復經臣

奏請留臣署中幫臣辦事俟臣回京之日令其赴部
請以六部主事補用經吏部議覆以可否以主事
補用之處俟尚書史貽直回京之日帶領引

見恭候

欽定等因奉

旨依議欽遵在案伏查宣諭化導案內帶往陝甘辦事

共五十一員各於事竣之日仰沐

天恩得邀議叙年來在內在外各員業已悉登仕版唯

該員因

臣

奏留陝西辦事未及錄用迄今又復兩載有餘該員
近見臣回京無期其意唯恐久淹臣署不得及其
年力進取功名以圖報效臣窺見隱衷又何忍固
執臣之原

奏勉留該員在陝阻其仕進之階况西安巡撫衙門

事務簡少不比東南諸省案牘繁多臣自莅任後
悉心整理數年以來諸事頗有就緒至軍需事件
亦各有條規不難從容辦理署中協助之人亦在
可有可無之間今臣已一面給咨該員赴部聽候
帶領引

見臣謹繕摺奏

聞為此謹

奏

俟引見時朕鑒觀材具酌其所宜而用之

署理陝西巡撫臣史貽直臣鄂昌謹

奏為備陳河道疏濬之難仰祈

睿鑒事本年八月二十八日准戶部咨湖廣督臣邁柱
奏請疏濬荆子關至龍駒寨一帶河道經

廷議交臣等相度情形乘此冬月之時估工動帑以
垂久遠之利以紓輓運之勞臣等遵即檄委潼商
道商州知州等前往龍駒寨荆子關一帶河道相

視地形詳觀水勢勘丈灘口估計工程隨據該道等繪圖繕冊詳覆前來臣等細加查核只就現在河身平淺之時量為疏濬計用夫匠三十五萬一千六百九十工合動帑銀一萬八千三百九十三兩零臣等仰體

皇上利濟民物之懷建萬世平成之績敢不悉心籌畫以為一勞永逸之圖但河道實有難於疏濬之處敬為

皇上陳之伏查秦省商州所屬之龍駒寨至河南之荆子關中間一水名曰丹河西源秦嶺南匯淅川夾乎兩山之中乘其上流之勢紆回曲折經途有三百七十里之遙湍激奔騰灘流有一百八十處之險無旁支以蓄洩無他道以疏通其最險者危巖陡削巨石星羅飛瀑狂瀾衝砂走礫工匠無駐足之地斧斤無銼鑿之方次險者水溜稍平而淤沙壅塞山根稍遠而亂石縱橫欲將淤沙挑挖則河

泓一線無隙地可以容沙欲將亂石搬移則壁立
兩崖無平原可以壘石若聚沙於山脚則怒濤一
刷沙仍壅滯於水中若積石於河干則高浪千層
石復漂流於灘底况夏秋之間豫陝兩省農民均
藉丹水灌田各處築堰蓄流涓滴不容滲漏唯餘
中泓一線輓運實難至若積雨之後山水驟發田
間各堰盡開百谷奔流頃刻水高丈許此時衝斷
緯路人力難施徒步者尚畏足而不前操舟者益

望洋而驚阻所以自古迄今丹河之水聽其自然
設有輓運之事唯當隨時疏濬從無永遠通利之
方在督臣邁柱此奏原為運道民生起見意非不
善奈伊遠在楚疆未能洞悉其形勢臣等身當職
守豈敢冒昧以經營訪之土人叅之輿論皆曰天
定無假人為臣等何敢罔恤民勞虛糜

國帑再查督臣邁柱所奏原為輓輸楚米起見但臣
等前因楚米水陸輓運均屬艱難曾經奏請停運

竝請於豫省之河南府及陝州沿河各屬積穀二
三十萬石以為陝省源源接濟之用業經奉

旨俞允欽遵在案是此後現有豫省積穀可以就近輓
輸不必再運楚省之糧則疏濬此河尤屬可緩臣
等謹將丹河難以疏濬情形據實具

奏伏祈

皇上睿鑒俯准停止興工則民力不致徒勞而

國帑亦可節省矣為此謹

奏

丹河一水

聖祖昔年曾有意疏濬後因勢不可行而止朕深知邁柱
係未悉情形之論初閱伊奏即經向大學士等詳諭其
故復思當日奉使之臣查勘或有未周須再加審視方
足決疑故發廷議今據此奏觀之曷啻蜀道之難原應
聽其自然豈可強為施措所見是知道了

同日又

奏為恭報瑞雪日期仰祈

睿鑒事竊照陝省今歲秋收以後民間普種二麥必得
瑞雪應時方於麥苗有益茲於十一月初一日西
安省城自午時降雪起至初二日寅時止得雪三
四寸復於初七日午時降雪起至十一日申時止
得雪尺許再查西鳳延三府屬及邠乾同華耀郿
商綏德八州屬各呈報得雪八九寸一尺不等四
野普遍於麥苗大有裨益民情歡慶所有瑞雪日

期理合具摺奏

聞謹

奏

瑞雪應時預卜來年豐兆實緣卿等忠勤職任感格

天地神明獲蒙垂佑也朕曷勝慶喜

雍正十二年正月初六日署理陝西巡撫臣史貽

直謹

奏為請

旨事竊臣荷蒙

聖恩特授戶部尚書仍暫留西安總理巡撫並一切軍

需事務俟諸務妥協

命臣具奏請

旨回京臣何人斯膺茲

恩眷感激慚悚圖報無由倘臣心思所能及才力所能

勝又何敢稍留餘量上負

聖主簡畀寵任之

恩下愧臣子宣力奉公之義唯是陝省地方事宜以及
軍需重務數年以來臣仰體

聖心加意整理諸務悉有章程上下曉然不難遵照辦
理而秦民風俗淳良各衙門案牘簡少較之東南
不啻什伯又百姓感沐

皇仁咸知大義凡遇軍需悉皆踴躍急公爭先恐後此
種情形臣業經節次奏

聞在案使目今諸事未安臣豈敢因西安巡撫已經補

授有人遂萌卸責之念今新任撫臣碩色久任此
邦吏治民情素所熟諳一切軍需皆其始終經手
臣年來所辦諸事竝皆與之商酌措施又此次陞
補司道各官皆平時協辦軍需之員諸務熟諳竝
著賢能更足收臂指之效現今唯運米赴肅一事
稍覺重大然為數無多更兼年歲豐稔民力有餘
又時值春令節候晴和非如九年於四五月間起
運長途跋涉暑雨不常者可比至或用車運或用

馱載各處風俗不同臣於上年即檄行司道轉飭各屬因地制宜民間甚稱便利至於安設站員接濟飯食草料修理橋梁道路沿途專委大員總理稽查舉凡一切事宜臣早已派撥妥協目前正在陸續起運約計二月初旬即可盡出陝境必無貽誤現在地方情形及軍需事件均無未妥之處用敢據實奏

聞伏念臣自雍正九年春月奉

差赴陝違侍

天顏已逾三載犬馬戀

主之心至誠至切倘蒙

聖慈俞允准臣回京朝夕敬聆

聖訓俾得知所凜遵少展微臣忠愛下悃臣曷任激切

屏營之至為此具奏請

旨伏乞

皇上批示遵行謹

奏

覽陝省官民情形及起運軍糧日期深為慰悅至回京之請候朕再加詳酌其遵旨行

同日又

奏為

聖主之恩施至厚微臣之感愧實深恭謝

天恩仰祈

睿鑒事雍正十一年十二月二十五日臣標把總自京

欽定四庫全書

陳批諭旨

卷二百七下

二十三

齎摺回陝接到大學士伯臣鄂爾泰寄臣字札一封內開閩省督撫奏稱史貽直署閩督任內曾長支養廉二千五百九十六兩零應著賠補現在嚴催等語奉

硃批史貽直長支銀兩著在潘體豐劉藩長名下追補還項欽此特字寄知臣領閱之餘且感且愧汗浹涕零格外

天恩臣夢想所不敢冀望伏念臣之一身蒙我

皇上生成教育十有餘年受

皇上之恩眷最隆荷

皇上之矜全獨厚乃不自謹飭致以長支銀兩玷辱生
平既不能檢點於從前復不早彌縫於事後遂被
指摘干瀆

宸聰

皇上不加以罪名且寬其責罰免其追補

聖恩高厚曠古罕倫查雍正七年臣奉

命署理福建總督印務維時福建初定養廉之項規條
草草總督養廉每年應得一萬六千兩該布政司
潘體豐呈送養廉或十日或半月陸續解到不比
他省按季按月有一定之例也臣隨收隨用亦不
曾計月清算至雍正八年三月二十五日奉

旨著臣回京匆匆束裝然後將收過養廉通盤核算始
知有長支之數彼時臣已將離任實無餘力補還
行次中途復奉

特旨命臣署理兩江總督臣星馳赴任兩江地大事繁

蒞官八月竭蹶不遑未暇計及此事雍正九年到

京不數月即奉

命赴陝宣諭化導隨辦巡撫事務臣在陝省每年應得

巡撫一半養廉銀一萬兩臣因前項未清日夕惶

恐兩年以來隨事節省湊成二千五百九十六兩

零業於上年九月十三日差臣家人齎往福建補

還庫項隨於十二月二十八日准福建撫臣照數

收明咨覆到臣乃福建撫臣於臣解還銀兩未到
之先業將情由具奏以致上厯

君父之懷

臣捫心自問罪無可逭法無可原蒙

皇上特賜包容曲加矜宥

天恩浩蕩至渥至優

臣雖庸下具有心胃自此有生之

年皆臣竭力之日惟有冰淵愈勵丹蓋益抒以仰

報

聖主鴻恩於萬一耳為此繕摺恭謝

天恩伏祈

皇上睿鑒謹

奏

朕洞悉卿非有心之過何用愧為

雍正十二年正月初十日署理陝西巡撫臣史貽

直謹

奏為恭謝

天恩竝陳下悃仰祈

睿鑒事竊臣近日接到臣子在京寄臣家信知臣兄史
貽簡於兵部武選司郎中任內因失察衙役犯贓
一案部議降三級調用欽奉

特旨兵部降調郎中史貽簡著照所降之級留任欽此
臣聞

命之下叩頭伏地感激涕零以無可寬宥之罪戾荷蒙
皇上特賜寬宥以無可

加恩之小臣荷蒙

皇上格外加恩微臣兄弟撫躬自省亦何幸而遭逢

聖主受此殊恩伏念臣兄史貽簡於雍正六年由內閣

中書歷俸陞選山東東昌府同知臣揣其才具必
不能任外吏據實

奏明仰蒙

聖慈俯體下情准改京職復蒙
正因念及從前緣由不忍棄置是用寬宥曾向廷臣諭
聖恩加等擢用補授禮部員外郎以至洊陞今職乃臣
明所以然之故至其行走勤惰殊未經意
兄史貽簡在部六年僅能行走辛勤毫無寸長自

效徒以賦性闇昧遇事疎忽以致衙役犯贓全無
覺察竊思臣兄史貽簡蒙

特恩加等陞用之員遇有過愆即加倍議處亦分所當
然乃蒙

皇上特頒諭旨仍留原任似此

異數鴻恩實為從來所未有臣之一家雖生生世世子
子孫孫亦莫能仰報

高深於萬一也抑臣更有不得已之下悃不敢不據實

直陳於

君父之前竊

臣

兄史貽簡賦質樸誠見事遲鈍既乏應

世之具又無自知之明自幼至今唯知閉戶讀書

拘謹自守凡於人情世務吏治民生皆茫然不能

大笑覽之

通達以之為外任固屬萬萬不能即兵部選郎亦

係中樞

要地

實亦不能稱職將來在部日久竊恐

辦事錯誤

更發一大笑

仍所不免倘再罹愆咎則上負

聖恩下虧臣職獲罪益重抱疚益深清夜捫心何安何

忍臣不揣冒瀆仰懇

皇上天恩解其兵部郎中之任

賜以閒散衙門無兵刑錢穀之責俾其效力行走庶或

可以始終保全

臣蒙

皇上天地父母之恩逾常越格用敢敬申下悃干冒

宸嚴臣曷任感激悚惶之至為此恭謝

天恩謹

奏

覽奏已悉候遇便裁酌

雍正十二年二月十七日署理陝西巡撫臣史貽

直臣碩色謹

奏為雨雪應時疊降麥秋豐稔可期據實奏

聞仰慰

聖懷事竊照陝省地方上年冬月瑞雪普徧業經臣史

貽直

奏報在案今自正月以來連降雨雪各屬均霑據西

鳳二府屬及同華等州屬各報自正月初一及二
十七八等日或雨或雪俱入土四五寸不等而邠
州乾州一帶正月二十七日得雪獨多自八寸以
至一尺不等延榆漢三府屬及綏德等州屬各報
正月初一十三十五二十七八等日各得雪三四
寸以至七八寸不等近又據西安府屬具報二月
初七八九等日連得雨雪入土四寸現在陝省各
屬麥苗暢茂萬姓歡欣至米糧時價有減無增省

城粟米豌豆每京斗價銀八分零小麥每京斗價銀九分零所有陝省連得雨雪並米糧時價理合具摺奏

聞謹

奏

覽奏陝省連得雨雪二麥有秋洵可期矣朕懷曷勝欣悅

雍正十二年三月二十六日署理陝西巡撫臣史

貽直謹

奏為密陳陝省武職人材仰祈

睿鑒事竊臣奉

命署理西安巡撫三年以來無時不以察吏安民為念

至於通省武員雖非臣所統轄然臣荷蒙

聖恩高厚迥越尋常既已身任封疆則武臣之優劣亦

不敢不留心體訪謹將臣所知者為我

皇上陳之查西安滿洲右翼副都統達色辦事精詳識

見敏捷凡管束旗員以及練兵挑甲悉皆公正無私毫不瞻徇微惜其氣體稍弱局量不宏此外如興漢鎮臣張傑臣從前署理福建總督時伊曾為臣標中軍副將其人心地光明器量濶達抑且久歷戎行熟諳軍務今蒙

聖恩擢授興漢總兵自莅任以來整飭營伍訓練官兵調度合宜措施悉當洵為陝省鎮臣中之聲名最優者督標中軍副將王友詢人材偉幹彈力奉公

督臣雖遠駐肅州而伊訓練標兵不懈承辦本標
軍需事件竝皆妥協安詳人亦老成持重鳳翔協
副將米國正漢仗駢雄曉習軍旅前署興漢總兵
及現今鳳協任內皆能稱職西安城守營叅將現
署潼關協副將事王廷極操練士卒防守地方實
心實力近見其修整煙墩稽查關口亦井井有條
頗有才幹又臣標左營守備徐子茂人材壯健弓
馬熟嫻凡料理營務以及委辦軍需悉皆奮往向

前勤慎明白至若延綏一鎮東接晉疆西連甘界
南障西安省屬北控鄂爾多斯統轄有三十六營
之多綿亙有一千餘里之遠居斯職者非素有威
望之員難以勝任現署延綏總兵印務花馬池副
將惠延祖雖小有才幹而操守平常行止浮動署
任數載不得兵心凡所行為俱不協於人望以臣
觀之似不稱延綏總兵之任以上各員止就臣所
知者據實奏

聞是否有當伏乞

聖明睿鑒謹

奏

甄別詳確甚與朕意相合

同日又

奏為奏

聞事伏查陝省今歲正月以至二月初旬雨雪應時二

麥盛長

臣業經具摺奏

聞今查陝省各屬府州縣自二月到今疊降甘霖油然沛然至霑至足臣每因公事親歷郊原伏見禾苗暢茂穰綠盈疇不但二麥可卜豐登其餘豌豆菜子以及各種雜糧竝皆碩大蕃多倍於往歲臣細問田間白首鄉農提携婦稚無不環列臣前僉云今歲麥秋實近年所罕見歡欣舞蹈頌我

皇仁臣謹將年歲情形以及民心歡樂之處具摺奏

聞謹

奏

雨水禾苗田野情形宛然在目朕懷為之深慰

雍正十二年四月初六日署理西安巡撫臣史貽直臣碩色謹

奏為據實奏

聞仰懇

天恩事竊查渭南縣民李悉義李月賢同謀勒死李全義一案前據渭南縣知縣岳冠華審擬斬絞由府

司詳解到院經臣史貽直同協撫臣鄂昌覆審具
題經部臣以李悉義應擬斬決等因題駁隨復轉行
審擬間忽據按察使何師儉報稱前詳勒死之李
全義自行投到據此伏查此案前據該縣岳冠華
以李悉義誘姦李全義之妻恐其覺悟故邀同李
月賢將李全義用繩勒死棄屍井中是以將李悉
義李月賢擬以斬絞今李全義竝未身死自行投
到臣等聞之不勝駭異因事關重案隨批飭同城

司道公同會審去後今據按察使何師儉會同布政使楊秘驛傳道任晟訊供詳報李全義原因李悉義誘姦其妻假神嚇逼於雍正九年出外未歸而謀死在井之說實出於寡婦張氏巫覡通傳之口乃知縣岳冠華並不詳察確情躡尋踪跡因於枯井內起出屍骨隨謂謀死李全義無疑遂將李悉義疊夾成招且將張氏通傳情節一并刪去以杜上司駁詰之端又故為旋風繞身之誕詞以神

其事以逞其才今李全義既經歸里則井內屍骨
另當究訊而岳冠華之煅煉虛招草管人命百喙
何辭除將岳冠華會疏

題叅并從前審轉之知府烏靈阿陞任按察使楊猷
及臣史貽直一并檢舉現在具

題請

旨敕部議處外查李悉義姦拐李全義之妻尚有應得
之罪而案內李月賢乃無干之人從前錯擬絞罪

則審轉之司府例應分別降調革職臣等何敢更置一詞但思此案實係岳冠華自逞才能刪詞詭詳煅煉成獄而李月賢等又畏懼該縣於解審之時直認不辯以致司府各員據詳審轉情似可原臣等不揣冒昧仰懇

皇上天恩俯念陝省現值軍興需才辦事可否將楊秘烏靈阿應得處分

恩賜從寬仍留在任俾其效力以贖前愆則不特該員

等仰沐

鴻恩益當感愧圖報而臣等亦可收臂指之效矣謹繕
摺具

奏伏祈

皇上睿鑒施行為此謹

奏

知道了具題到日酌量有旨

雍正十二年六月二十五日署理西安巡撫臣史

貽直臣碩色謹

奏為遵

旨代奏事竊照旗員隨任子弟年十八歲以上者悉令
歸旗肄業或披甲食糧乃

皇上教育之大恩而另有情節不能相離者又准臣等
代奏尤

聖恩俯體下情之曠典臣等查得興安州陞任州同張
毓珂係正黃旗漢軍張達佐領下人自雍正七年

調赴軍前今經六載前雖題補綏德州知州然仍
留軍前尚未回任伊父原任監察御史張文教年
已八十七歲迎養任所自毓珂調赴軍前之後惟
次子張毓璋在任侍奉父子相依今因毓璋年逾
十八例應歸旗臣等屢經查催而張毓璋以父年
遲暮老病日增實難離侍懇請留養俟伊兄回日
歸旗等情具呈到州由布政使楊秘詳請前來臣
等伏查張毓珂既在軍前不遑事父而張文教年

逾八旬老病日篤則張毓璋實有不能相離之下
情可否仰邀

皇仁俯准留養俟張毓珂回任之日再令張毓璋歸旗
臣等未敢擅便理合繕摺代

奏請

旨伏祈

皇上睿鑒施行為此謹

奏

准其留養仍咨明該旗知道

同日又

奏為恭報得雨日期仰慰

聖懷事竊照陝省二麥收成之後民間布種秋禾必須
雨澤應時禾苗始能滋長自入夏以來天時稍覺
亢旱雖曾得雨數次田疇未能霑足農民望雨甚
切今於六月十七十八十九二十等日甘霖大沛
晝夜滂沱西鳳二府屬邠乾同華耀商等州屬各

具報得雨一二尺不等四野均霑禾苗暢茂且此
番得雨正直初伏之時於秋禾大有裨益民情歡
樂共慶有秋所有陝省得雨日期理合具摺奏

聞為此謹

奏

覽時雨霑足情形朕心之喜筆莫能罄

雍正十二年九月三十日署理西安巡撫

臣史貽

直臣碩色謹

奏為恭報得雨日期仰慰

聖懷事竊照八九月間正值陝省秋禾秀實二麥播種之際前因雨澤愆期農民望雨甚切臣等率同文武各官虔誠祈禱業經具摺奏

聞自具奏之後續據漢中鳳翔及邠乾耀興商鄜等府州俱屢報連得透雨惟西安府屬及同華二州屬雖於九月初四初八十六十八等日各得雨數寸然究未霑足亦未普遍今於九月二十九日未時

起至三十日辰時止共得雨一二尺不等現在濃雲密布雨勢未止民情歡慶歌咏太平雖此番得雨較遲秋穀收成數不無稍減然秦民所重在麥今得此甘霖高低田畝二麥遍種則來歲夏收庶可有望閭閻尤為慶幸所有得雨日期及陝省二麥普種情形理合繕摺奏

聞謹

奏

自閱前摺以來朝夕翹首西望今據奏得雨如是深透
豈止憂懷頓釋且不禁額手稱慶也

雍正十三年正月二十九日署理西安巡撫臣史
貽直臣碩色謹

奏恭請

皇上聖安

朕安

鄂昌係因汝等推薦始加擢用未料少年福淺負朕委

任至於如此之甚不但行止乖謬且日入醉鄉前在陝時汝等豈竟毫無知覺耶

同日又

奏為仰懇

聖恩簡補道員以重地方事竊照西安驛鹽道任晟於上年十二月二十七日病故臣等另疏

題報外伏查驛道一缺總理通省郵傳今又兼理鹽法必須才守兼優之員方克勝任今陝省所屬各

府或係新任未久或係循分供職竝無可以題補
驛道之員伏乞

皇上特簡賢員補授庶要缺得人而臣等亦可收臂指
之效矣為此繕摺

奏請仰祈

皇上睿鑒施行謹

奏

有旨諭部矣

雍正十三年三月初四日署理西安巡撫臣史貽

直臣碩色謹

奏為彙奏雍正十二年社倉糧石數目仰祈

睿鑒事竊查陝省社倉糧石臣等於上年四月內查明
除民借外實貯穀四十七萬一百七十九石零業
經奏

聞在案嗣後飭令各州縣稽察經理照例於歲暮分晰
開報竝行據布政使程仁圻彙核呈齎前來臣等

統計雍正十二年分共收過生息穀一萬二千五百五十二石零又收續捐穀二百石連上年原奏穀六十三萬八千八百八十七石零共該實存穀六十五萬一千六百三十九石零內除給過倉正倉副口食並修倉鼠耗等項實應存穀六十四萬六千九百四十七石零內民借未還穀二十三萬九千九百七十二石零應俟收獲之後聽倉正倉副經理收還臣等仍飭令各州縣加意稽查外現

存穀四十萬六千九百七十五石零其出納支存
各數目應俟十三年年底照例查報另摺具

奏所有十二年社糧數目理合繕摺奏

聞謹

奏

當核明確實數目無俾屬員虛捏徒美觀聽

雍正十三年四月初七日署理西安巡撫臣史貽

直臣碩色謹

奏為恭報甘霖疊降通省均霑仰慰

聖懷事竊查陝省西鳳邠乾等府州二月內所得雨澤

臣等前已奏

聞在案其餘各屬雖得微雨數次究未普徧霑足茲據
西延鳳漢榆五府屬并邠乾耀同華興商鄜綏葭
等十州屬各具報於三月二十一二十三等日得
雨三四寸以至五六寸不等又於二十五日連得
透雨自五六寸以至七八寸不等又於二十九日

寅時得雨起至申時止入土尺餘現今四野霑足
二麥暢茂糧價大減所有節次得雨日期理合繕

摺奏

聞謹

奏

春雨如膏最為難得豈止二麥暢茂諒秋禾亦大獲滋
培矣覽奏甚為欣慰

署理西安巡撫臣史貽直謹

奏為覆

奏事本年三月初九日欽奉到臣等恭請

皇上聖安一摺奉

硃批朕安鄂昌係因汝等推薦始加擢用未料少年福
淺負朕委任至於如此之甚不但行止乖謬且日入
醉鄉前在陝時汝等豈竟毫無知覺耶欽此臣跪讀
之下汗流浹背惶悚無地臣以庸下之才荷蒙

聖恩畀以封疆重任凡所屬各官之優劣倘有灼知不

敢不據實入

告伏查鄂昌於雍正十一年二月奉

旨協辦西安巡撫事務於四月二十日到任臣與之朝夕共事見其恂恂謹飭少年老成凡遇地方案件以及軍需事宜甚肯虛懷講求細心學習是以將鄂昌及平日所知之各員一併具摺奏

聞至鄂昌前在西安臣除同辦官事外間有會席之處從未見其於人前縱飲或其私居飲酒亦未可定

但臣與之分居各署原未留心訪查實臣疏忽之咎伏思鄂昌以新進小臣蒙

皇上鴻恩不次超擢自應夙夜恪共力圖報稱乃竟敢上負

聖主簡畀隆恩且日入醉鄉漫不留心政務由此觀之不但其福量淺薄兼可謂下愚不移臣實不料其喪心病狂一至於此至臣昧於知人不能聽言觀行誤將此等庸劣之員冒昧保薦濫舉之罪實不

可逭臣曷勝惶恐悚惕之至緣奉

硃批諭旨理合據實覆

奏為此繕摺謹

奏

經歷此番當深以為戒凡事稍存纖芥之私未有不貽
後日之悔者大則噬臍莫及小亦見輕於人所以智者
預鑒而不為也

雍正十三年六月十五日署理西安巡撫臣史貽

直臣碩色謹

奏為再籌因時買麥以敷撥運之倉項事伏查關中
為四塞之區歷來軍糈民食均賴本地之收成非
若關東各省水陸交會舟楫相通可以仰食於鄰
封也頻年軍務繁興而兵食充然有餘即偶值歉
收而民間不至乏食皆賴倉貯豐裕得以接濟兵
民是預備倉儲實陝省第一要務故臣等於前歲
上年節經奏請買麥買穀俱蒙

俞允欽遵在案今查西鳳邠乾等府州從前運送軍糧
共動京斗倉穀六十七萬石內除節次奏明動銀
十五萬兩內用銀十四萬七千五百兩已買還穀
三十六萬四千九百八十餘石又奏明將平糶穀
價買麥易穀除買還原穀外多出餘麥共易穀十
萬七千七百七十石零又上年奏明酌動銀五萬
兩買貯麥六萬二千七百一十三石零已於今春
糶借應俟秋後照一麥二穀之例易穀還倉共應

易穀一十二萬五千四百餘石統計以上抵還穀
五十九萬八千餘石較原運之數尚缺七萬餘石
原應俟秋收之後買穀還倉但上年已買之麥或
借或糶均應秋後易穀而今春借糶之糧亦應於
秋後還倉若再發銀採買恐致穀價翔踊有妨民
食查今歲夏麥豐收倍於往歲現今糧價日賤西
鳳等處每京斗麥一石價銀八九錢不等況五月
內甘雨連旬秋禾暢茂夏麥已慶盈寧秋收又復

可望今於六月初一日以後天氣晴霽糧價自必
益賤臣等愚見似應再動五分公用銀五萬兩酌
發產糧價賤之處買麥存貯俟來春借糶秋後易
穀則漸次經理倉項得以補還而邊陲要地兵民
皆有攸賴矣除行布政司及時辦理外謹繕摺具
奏伏乞

皇上睿鑒施行謹

奏

通融辦理甚屬合宜如應咨部存案咨明該部可也

同日又

奏為奏

聞事

臣

等伏查甘省之會寧靖遠固原環縣等處民間

多食窖水今歲春夏之間雨澤愆期水草缺乏誠

恐彼地百姓有就食鄰封者

臣

等業經飛飭各屬

如有甘民到陝務須照料安插茲據隴州汧陽二

州縣已報有固原等處就食貧民一百五十三名

欽定四庫全書

硃批諭旨

卷二百七下

四十八

口臣等仍飭該州縣加意撫綏安插無致失所併俟各府州查報到日將應於何時資送回籍之處咨商甘撫臣許容會同辦理外謹將安插甘民緣由繕摺奏

聞謹

奏

就食貧民務宜實力撫恤不可虛應故事以圖塞責

硃批諭旨卷二百七下